

其亦不懼者縱情貪欲昧了本心所以不畏死耳惟良民則安其分樂其業懼國法常畏死矣吁爲奇不畏死之民而爲悖逆亂常之事執而殺之可也孰敢常有司殺者蓋以司殺人命所繫實非細故胡得輕司殺哉蓋亦不得已也或曰悖逆亂常不道之民天之所厭司殺者代天討之乃天理之至公而非私意而言孰敢常有司殺者何也蓋代天之司殺則所殺尙在我甯無歉於心乎譬如代大匠斲希有不傷其手者代天之司殺殄人之命未必不傷吾之德也可不謹歟噫爲奇悖逆亂常不道之民天使殺之而猶以代大匠斲必傷手之戒於此足見聖人惻隱慈祥之心好生之德矣

道藏輯要

道德下經釋辭

卷

心集九

民之饑章第七十五

民之饑以其上食稅之多是以饑民之難治以其上之有爲是以難治民之輕死以其求生之厚是以輕死夫惟無以生爲者是賢於貴生

民之饑皆由上好貪賕賦繁役重而民力困是以饑民之難治蓋由政繁法密過用智術而民心詐是以難治民之輕死蓋由有情有欲過於自愛貪生太厚是以輕死是以聖人已生而殺生未死心先死無心於生而生自全故死不可得而有矣故云賢於貴生

人之生也章第七十六

人之生也柔弱其死也堅強草木之生也柔脆其死也枯槁故
堅強者死之徒柔弱者生之徒是以兵強則不勝木強則共故
堅強居下柔弱居上

人之生也血脈周身和氣充足故筋柔肉軟及其死也血枯
脈散和氣離形故肢體堅強草木之生也生氣全津液盛故
柔脆及其凋也生氣散津液乾故枯槁以人物之生推之於
理則堅強者爲死之徒柔弱者生之徒也譬如用兵恃強必
敗木強必折理必然也故知堅強者和氣散則死宜其居下
柔弱者和氣全則生故爲上也由是知之剛強爲喪身之本
柔弱是養生之要嘆人生胡得而剛強也哉

道藏輯要

道德下經釋辭

卷

心集九
八〇七

天之道章第七十七

天之道其猶張弓乎高者抑之下者舉之有餘者損之不足者
與之天之道損有餘而補不足人之道則不然損不足以奉有
餘能以有餘奉天下唯有道者是以聖人爲而不恃功成而不
處不欲見賢

經云天道減盈滿補虛空毀強盛益衰弱損思慮歸童蒙聖
人之中也譬如張弓待物必因其高下而損益之高者抑之
下者舉之則無不中其度蓋其出之於自然故其用與天道
同也天之道損有餘而補不足虛則居之實則去之謙必益
之滿必損之缺必圓之盈必虧之善必福之淫必禍之有餘